

بـ عينك

بعينك لما تندهلي...

وتشتاق لي... وارد عليك

ولما القاك وتلقاني...

كلام تاني .. يدور حواليك

ويجي الحرف متبسم

ويتكلم قصاد مني ..

أبوس إيدك .. بلاش الدمعة من عينك

أنا محتاج لتغريدك .. وألحانك

تصبّي الحب ف وريدي

وابوس القلب من جوه

أنا وهوه .. ما بين الضعف والقوه

وبيئاً حدود

وابوس النبضه في إيديكي



وشرايينك عليًا شهود
وباضحك ضحكه .. من قلبي
واقول: بـ عنيك
تلاقي الكلمة ف لساني
وبره القلب ... مش جواه
لكين قلبي شعور تاني
باعيش إحساس أكيد حسّاه
وهارجع برضو م الأول
مع قلبك وكل نداء
وارد بضحكه من قلبي
بصوت عالي .. واكون سامعاه
بعينك لو تقولها لي
بعينك لو هارد بـ آه

....